

«تۈرك يوردى» نىڭ بۇ ۋىسايىتى «تۈرك يوردى»
كىتابخانىسى «نەك ئەمەلىي ھەم ھەم ھەم ھەم»

تۈرك يوردى

ناشرى : تۈرك يوردى

مەدەنىي : آق چۈرە اوغلى يۈسۈپ

۱۷ ئىفرىن اول ۱۳۲۹

۳ يىل

۲۰۴ ۋىسايى

شانلى تارىخنى اوج قىلمەنك طوپراقلىرىنە ۋەدە كىزلىرىنە يازان ملتىز اويانوب
بالقانلار دە دوكون قانلارمىزك حسابنى سوردىنى زمان !

آء، ايشته اصل بايرام . اى يوكسكلردن سىياھ آللرمىزە مرحتلە باقان ئولولر،
سىزك بايرامىكز ! اى روحى اميدىنىك آلەويلە باقان انتقام ، سىك بايرامىك : ...

تشرىن اول ، ۱۳۳۹

مېھول ساقەر



• آلە پچن سنەلرە يتشديرسين ! •

مىلەنك ايلك مۇذنى ، بدوى بر عرب ، استانبولك سىرىن براق صباى
ايچىندە سوقاق سوقاق دولاشييور، سىياھ بر بوكمە ايلە صارىلى باشنى قابالى پىجرەلرە
دوغرو قالدیرمەرق يوكسك سىسلە « قم صلا » دىە حايقيرييوردى . بر آز سوكرە
استانبولك هر طرفدن اذان سىسلىرى دويولمىغە باشلادى . شىروانلىلر قوناغندە
مسافر اولان بو غرىب شىخ ، هر صباح اذاندىن بر قاچ دىقە اول مىلەنى
اوياندىرمىنى عادت ايدىتمىشىدى . اونك ، حرفلىرى حىرت وىرمەك بر وضوح
وطنلە سويلەين دعوت نداسىنى دويار دويماز ، اوطەلردە هر كس اوياندى ،
بايرام ايچون كىنمەكە باشلادىلر . سوقاقلردە صارى چىكىلرى ، بورمە قاووقلىرىلە
جامىلرە دوغرو قالابالق بر جماعت كچييوردى . ويدىن والىلكىندىن هنوز دون
پاشا ، سلاملىقدە ياتان يتشمىش اوغللىرىنى آرقەسنە آلدى ، هې بىردىن نمازە كىتدىلر .
بردەلرە قفسلرەك اورتىدىكى ايكىنچى صرە ، اوست پىجرەلردىن تازە بر صباح ،
بر بايرام صباى كورونيوردى .

چابوجق اولك هر كوشەسى اوزون ايبك اتكىلرەك حىشیرتسىلە دولدى .
خلايقلر ، قالفىلر ، خانملر هر كس حاضردى ؛ بيوك لالا آشاغى صوفادە
أللىرىنى چىرىپدى ، مردیون باشلىرىنە دهلزلرە دوغرو ايبكى دفعە سىلدى :

« قیزلر پاشا کلیور. » حرم آغلاری بئیک طاشندن باغچه قپوسنه قدر ایکی طرفلی دیزلایلر .

مایین قاپوسی دیشاردن بر آناختارله آچیلدی . پاشا ایجری کیردی . اوست سالونده تبریکه باشلادیلر .

گونک ایلک ضیالریله ایصالتمش بر آویزه درت گوشه آلتون قامیشلی طاوانلردن اینه رک اورته ده ، رنکارنک دامله لر دو که جکمش کبی پارلیور ، رافلرک اوستده کی اُسکی فغفورلر ، ماوی چیزگیلی « چشم بلبلر » تبریک ایچون گیرنلرک حرکتیله بر بریله دوقوشه رق شیقیردیوردی . ایجری ایلک گیرن کل مثال خانم دی . رنکنک پنبه لکندن دولایی پاشا اوکا « گل مثال » اسمنی ویرمشدی . حقیقه کوروغمه یین برگوشه دن صباح اونک کوکسنه و یوزینه وورمش ظن اولته بیلیردی . صاچلرینک یشیلیمسی قومرالن اویا ایله یاپیلیمش تترک صاری فولیالره سوسلی یوکسک بر حوتوز اورتیوردی . قولاقلرنده اوجنه دوغرو طویلانه رق قوپان طاتلی دامله لر کی ایکی پنبه ایجی صارقییوردی . آرقه سنده ایشلمه لی اوزون برأتک ، آیاقلرنده گوچوک کلرله دولو برمانتین شالوار واردی . کنارلری ینه اویادن مینه چیچکلریله چوریش ، اینجه تول گوملکی چبکنک کسک اوموزلرندن چیه رق ایشلمه لی بولینلرله نهایت بولیوردی . او یاقلاشدقه پاشا متزاید بر خنده ایله گولدی و اولدینی یرده برکنج طوری آله رق دوغرو لیدی . « گل مثال » خانم ، گوکسندن آشاغیسی آلتش دوکه ایله ایلیکلنمش ایکی یانی بیر تماجلی جانفس انتاریسی ، بلنده ، لاهور شالندن گنیش قوشاغیله پاشانک اؤکنده اکیلدی ، ییلدیز ایکنه لرله پیرلدا یان حوتوزی ایله پاشانک آله دوغرو اوزاندی و اویدی .

دوغرولوب معتاد اولان دعایی دیکلمک ایچون اونک یوزینه باقدینی وقت اوزون یشیل گوزلری اوقدر گوزلیدی که : پاشا کندی کندینه ، « بویله گوزلرله سیر ایدیلن دنیا کیم بیلیر بزم گوردیگمزدن دهانه قدر گوزل اولمق ایجاب ایدر » دیدی . آرقه دن مهر و ماه خانم صوکره دیکرلری کلییوردی ؛ صاچلری اورته دن آیرلمش ، حوتوزلرنده اویادن کویه چیچکلری ، هر جانی منکشه لر ، بیاض صاری

یاسمینلر، پاپاتیهلر، سنبللر، گردانلرنده قیویله جیملانان یاقوت، الماس علیقه لرله
 برده، برده سالونه کیریور؛ اوج اتکلی انتاریلری، ایشلمه لی صیرمه لی ترلکلی
 ایله نهایتسز لطیف برکچیددر دوام ایدیوردی. پاشا بوگوزل، نادیده قوللری
 بوگون حقیقه بر باباحسیله سویور؛ اوموزلرندن صرتلرندن اوقشایه رق، «الله
 دها چوق بایراملره یتیشدیرسین!» دیه مقابله ایتدکن صوکره، اونلر دونوب
 چیقارکن، قلباً «بن سزی مسعود ایتدم، ان شاء الله چوقلرگز سزی مسعود
 ایدر...» دیوردی.

شیمدی استانبولک هر طرفنده قفسلر آرقه سنده، بویله الماسلرک، ایچیلرک،
 آلتونلرک اییكلرله، صیرمه لرله قاریشدینی بر جریان، بر تروت و احتشام نمایشی
 واردی. استانبولک هر طرفنده یوزلرجه کیشی بارندیران او بیوک قوناقلری
 دویورمق ایچون مطبقلرک یوکسک باجاری، قابریقه اوجاقلری گبی توتیوردی.
 او زمانلر، بایراملری خبر ویرن هلال، یالکز استانبولک اولرنده دکل،
 بروسه ده، ادرنه ده، قونیه ده، شامده، بغدادده، هندستان افقلرندن مغرب
 افقلرینه قدر باشدن باشه بر سحر و برفسون عالمی اویاندیرر، اسلام اولرینک
 ایچنده بر آلتون قایناسی، بر مجوهر شلاله سی مبتدل بر فیض ایله آقوب
 دوکولوردی. اسلامک اوی رفاه ایله دولش، اسلامک روحی غنا ایله دیان
 بر حاله کلشیدی. شیمدی بن اوزمانلری دوشونیور و آناطولینک اورتنه سنده
 روحی ابدی بر هجران، ابدی بر کیمسه سزلکله آغلالتان بر آقشامی تکرار یاد
 ایدیورم. او یله محزون و غم دیده بر آقشام که سماننده دوغان او بایرام هلالی
 اچیلری آرتدیریور، اسلام مملکتلرینی هب بردن دوشوندیرمک اطرافلک
 کدرلرینه اوزاقده کی محقر قالمش اسیراومش بیچاره قاردهش مملکتلرک خسران
 و یاسنی ضم ایدیوردی.

..

اختیار بر نینه هر بایرام آلتی اوبدیکم وقت، «الله سنی کچن سنه لر یتیشدیر-
 سین!...» دیردی. بز «نیجه سنه لر یرینه کچن سنه لر دیور» دیه کندی آره مزده

بوخطايه قارشى گولردك. بركون اوكا سوردوم: « نينه نيجين نجه سنه لره ديميور،
كچن سنه لره ديميورسك؟ »

« — اولادم، شيمديكى بايراملر كچمش زمانلر ك بايراملرينه بگزمه مييور،
ديدى. سزه دعا ايديمورم كه كچمش بايراملر كچي بايراملر كورم سگزم ... »

عجبا عالم اسلام ايچين ايستديكمز او كچمش بايراملر تكرار عودت ايتمه جك،
عجبا محزون افقلمزده اواسكى، مسعود هلال عيد بردها دوغمايه جقمى ؟

محمد الله صبحى



بايرام مقاله لرى

تورك غزته لرينك بايرام كونلرينه درجه علاقه لرينى كوسترملك ايچون،
« اقدام »، « طنين » و « وقت » جريده لرند شكر بايرامى مناسبتيله يازيلان
سطرلرى آشاغى يه عينا نقل ايديمورز :

« اقدام » ده :

عيد سعيد فطر

ماه صيام مغفرت اتسام دون اقشام تكميل ثلثين اعتباريله واصل خير انجام اولش
وعيد سعيد فطر ك شرف حلولى، سالكين دين مبينك بوماه مغفرت آياتى ادراك ايله حاصل
ايله كارى سرور معنوى يى برقات ده تزييد وجبين تابناك مسلمينى تنوير و تزئين ايتمشدر.
بوكون بتون عالم اسلامده قلوب موحدين بو مبارك بايرام كونك فيض تعاليسيله منبسط
و منشرحدر .

هان جناب حق و فياض مطلق حضرتلرى حبيب اكرى حرمتنه كچرديكمز ايام فلاكتى
بردها كوسترمسون و ممالك اسلاميه و عثمانيه يى مظهر رفاه و سعادت بيورسون آمين .

..

(اقدام) ، بالجله مسلمين و مسلمات حقلمزده عيد سعيد فطرى تبريك ايدر و بايرامك
ايكنجى پنجشنبه و اوچنجى جمعه كونلرى انتشار ايتمه جكنى قارنه و قارثلرينه بيان ايلر .